

懷遠縣志卷之十

賜同進士出身安徽鳳陽府懷遠縣知縣孫讓修



藝文志

後漢桓君大小太常章句

佚

後漢書桓郁傳初榮受朱普學章句四十萬言浮辭繁長多過其實及榮入授顯宗減為二十三萬言郁復刪省定成十三萬言由是有桓君大小太常章句 儒林傳沛國桓榮習歐陽尙書榮世習相傳授東京最盛

按歐陽尙書東京甚顯桓氏門徒尤盛然太常章句遺文遂無從採輯片言以畧識其梗概亦可惜也

懷遠縣志

卷十

士心藝文

一

桓麟碑誄讚說書二十一篇

佚

後漢書桓彬傳父麟所著碑誄讚說書凡二十一篇

桓彬七說 書

佚

後漢書彬所著七說及書凡三篇

魏蔣濟萬機論

佚

三國志蔣濟傳濟上萬機論帝善之

明楊時秀春秋集傳

存



張棐龍城集

存

梅和羹毛詩括韻說

存

方燦毛詩講義 四書講義 通鑑纂要

存

呂養性寄生草六帙

存

楊嘉猷傳習錄 清粹錄 就正錄 逆說 居身拱璧注 國

朝名賢纂

存

懷遠縣志

卷十

志藝文

國朝楊尙渾片月樓藁

桐城何如寵序存

岫雲閣藁

存

唐亮芥子堂詩抄一卷

存

閔煥詩集

存

閔大全四書斧斯集 詩集 文集

存

孫維震詩集 文集



存

孫玠詩集二卷

存

李滋霖詩文集

佚

楊模聖還珠集四卷

模聖孫敷輯存

楊樹善集

存

張其量環隅集

存

懷遠縣志

卷十

志心藝文

三

方簡四書文集

存

方懌洛川文集

詩集

時藝藁

存

宋文治鳳山文集

存

湯璐柏邨詩集

存

湯珏蓉邨詩集

存

宮建章制義稿



上元徐旦文序存

宮兆麟奏議十卷

存

宮楷文川文集四卷

存

宮杲來青書屋文集

存

宮樟二石軒詩集二卷

存

懷甯潘瑛序曰余於懷遠識二詩人焉一爲蔬園許所望一則鶴臞君也蔬園才氣疏宕有縱橫蹀躞之概所爲詩歌卓犖負

彩光恠變現鶴臞則恬愉澹治如澄潭萬頃微風動波又如遠山平林境與意會一草一石具有天趣令人棲遲而不能去故余嘗目二君之爲人鶴瘦似歐陽永叔蔬園似石曼卿而詩亦肖之不能置甲乙也鶴臞以拔貢官潁州廣文潁州故有歐陽西湖之勝鶴臞日與其徒載酒肴泛輕舫尋聚星之遺跡求東坡之斷碑新詩脫手相競傳寫一時人士以爲數百年來無此遊也未幾大吏以君爲才薦爲令謁選吏部得福建建安縣鶴臞方益懋其行取遷擢懋中外繼跡於歐陽氏不亦可乎而蔬園倦遊留落亦蕭颯如曼卿可慨也夫夫入閩山水奇秀其與潁州西湖奚啻倍蓰撫琴調鶴之暇携朋命駕抽思綴翰所得且日益富乎老矣不能蠟雙屐從君爲壯遊幸命喜事小吏時



錄新詩見寄則所願也于其行序其詩以諭之時嘉慶辛未懷

甯潘瑛序

楊廷瑤制義稿

存

楊新蘭西行詩草一卷

存

常太和詩集

佚

李方華燕翼堂易鈔

存

吳瀚護萱書屋制藝

懷遠縣志

卷十

志心藝文

五

存

阮士賢制義稿

存

許佑墨莊制藝

存

七老會詩一卷

存

通州馮夢龍序曰蕭儒士敦行之地聲氣宏多桓春卿稽古之

鄉老史炳蔚則有天河右姓博望各家懸車自黔省歸來空餘

琴鶴卜築在荆岑深處飽饜尊鱸古貌蒼顏六旬有八同庚異

吉一日差先喜白首而交歡樂素心之堪數重尋舊雨恰聯斷



邑六君攬入新知不棄琅峯一老雅集則筵齊真率主人亦年  
比溫公敬叔裔孫初逢週甲尙之芳胄行及杖鄉和靖家風少  
侯生之四歲闕西世講多絳老之一年擬采秀於商山還添三  
叟比徵祥於泗水更具二難在昔潞國尊前四友題襟共三百  
十二甲子於今子雲亭裏七人把臂共四百六十春秋時維吉  
三宮丈脫帽高哦羽調初宣揮毫急就獨絃發入雲之響老至  
不知四座聯同氣之吟興來匪淺夢龍才慚祭獺思愧探驪率  
爾續貂野哉掉斧七字之推敲何易兩杯之笑語彌酣所願念  
榮期三樂之言交須耐久仿香山九老之會毫可忘形今宵秋  
圃婆娑快觀開瓊之席他日春江眺望長懷載酒之園庚寅九  
月江蘇通州僚亭馮夢龍序

按七老爲楊廷相字與如年七十四馮夢龍字儵亭年六十八  
十月一日生張家相字桐洲年六十八十月二日生林澍字化  
遠年六十六楊明善字成玉年六十五宮毓麟字吉三年六十  
何偉才字千英年五十九夢龍爲邑廣文馮洞之父餘皆懷遠  
人

青雲樓九老倡和詩一卷

存

張家相序曰庚寅秋七老倡和詩成辛卯付梓而亦山高公詩  
爲九老倡首諸君屬和者續至盛哉甯得登前而逸後也或疑  
九人豈盡能詩者豈盡能詩而俱佳者不知九人以老聚必人  
人工詩安必人人皆老其可以老者皆可以詩者也香山之會



七老有詩二老無詩白居易胡杲吉皎劉真鄭據盧貞張渾有詩者也李元爽僧如滿無詩者也蓋香山本七人繼至者元爽年一百三十六如滿年九十五聞風而來實恃年而至而七人亦幸其至也獨不聞樂天之贊二老乎雪作鬚眉雲作衣遼東華表暮雙歸當時一鶴猶希有何况今逢兩令威由是以觀無詩者尙亟收于雅集况無詩而有詩者耶所可惜者壽者難逢萍踪莫定吾輩九人自青雲樓讌集後未幾而高以恙返里徐以官回任宮有西河之痛慵于唱酬楊有迎養之歡匆匆行李而馮太翁者本無歸志諸郎君以翁年邁自桑梓來挽之而行今得時相把晤者三四人而已要之無足惜也吾輩唱和詩章一日而存則吾輩一日而聚十百千年而存則吾輩十百千年

而聚彼別久而恨生異地而悲起者乃俗情之膠漆非蘧孔之神交也俟將詩九章繕寫而復付之梓與前七詩後先共成一帙豈非予與諸君又一爽心事歟壬辰春三月叵園張家相敘按九老卽前七老增江都徐兆熊年八十商邱高時驥年六十一兆熊以壽州學正署懷遠訓導事時驥罷建平合寓懷遠也右載籍

宋太平興國佛幢

存真儒書院

文曰南贍部洲大宋國濠州鍾離縣河東昌福坊弟子邵延興奉爲亡考建造尊勝幢子一軀今辰圓滿用資牛界設齋慶口時太平興國六年十月六日建立訖



右幢長三尺餘上刻佛像大僅如掌下刻此文字大半寸行列不齊旁有偈語十八句俚鄙不可讀字跡亦劣然邑中別無古刻不得不以此幢爲最古又可証宋時鍾離所治兼及淮北又知今時縣治左右在宋爲昌福坊也

### 白龜泉石記

亡

東坡集遊塗山荆山詩自注云龜泉在荆山下有石記云唐貞元中隨白龜流出

右石已無存此記或是唐刻坡公不指唐人故附諸宋

劉仲光有夏皇祖之廟石碣

皇甫斌禱雨記石碣

### 懷遠縣志

#### 卷十

志心藝文

八

亡

宋濂荆塗二山記禹廟石碣二一大書有夏皇祖之廟六字下方刻宋慶元初州守劉仲光自造禱雨祠一亦記禱雨事皇甫斌紹興庚戌來爲郡命鍾離尉丁大榮作石未剝泐文尙可讀右二碣皆已毀無隻字可尋矣按舊縣志云宋慶元元年給事中許及之題曰有夏皇祖之廟郡守劉光鐫于石似當時脩志者尙及見之然訛州守爲郡守訛劉仲光爲劉光頗與宋記牴牾

### 孫臨書祖無擇詩

亡

宋濂荆塗記下山麓入縣廟出讀祖無擇所賦歌京江孫臨爲



書碑蓋無擇謫守壽春過此而作也右碑亦已無存祖無擇之詩亦無可考錄

夏貴題名磨厓刻

存

文日勅□□御器械特授江南招撫使差知懷遠軍兼撫內□  
□營田□軍馬沿邊都巡□□節制本軍□□壽春縣□□  
□□□□夏貴□□自備已財採買□□等選擇地基於  
卞和洞右坤山行龍轉兌山結預□□荆建□□濟寶□祈  
乞保軍民平善開慶元年三月十七辛丑吉日用工□築□□  
今開具□□節制總管□官姓名于石□□大夫□差淮西副  
□□□□兼通判懷遠軍事兼□□□□□□□□司詹震

差人助工□勅大夫兼□□□□廬州駐劄□懷遠軍統  
制□□勅大夫特□□州□□□□淮西路馬步軍副  
使提轄御前拱衛□□□□州西路兵馬□□鎮  
江府駐劄御前雄江軍統制盛瞿同人從等□□校尉□  
統制□□都□□□軍務御前雄勝軍統制楊程差人  
助工武經郎鎮江府駐劄御前拱衛軍統領王法監造建武校  
尉鎮江府駐劄御前雄邊軍第二將權正將張□部役下班祇  
候鎮江府駐劄御前中軍統領同統制王春部役秉義郎特差  
淮西□鈐廬州駐劄御前雄邊軍前軍統制章師元差人助工  
泗州部□軍帳前壕寨官張旺部役鎮江部統帥帳前大□□  
□兼□□寨張福等廬州□部都作頭方成等鎮江□□副濠



寨官兼□匠都作頭李斌等建武校尉鎮江駐劄御前雄江軍都撥發官成寬部役鎮江官兵合千人等廬州部砲手撥發官□江教頭嚴儀拱部役揚州部撥發官楊世雄教頭安俊潘軸部役訓武部鎮江駐劄御前拱衛軍撥發將兼郡撥發官聞平部役鎮江撥發官御前總管師雄軍教頭張寶部役右磨厓刻在卞和洞右石壁上前正書大佛字可徑丈後刻此文字大四五寸行列疎密不齊每行長丈二尺後所刻銜名每官爲一行凡二十五行石既粗燥又爲苔蘚所食多模糊不可辨惟佛字雄偉可觀耳按記文當是剏建寺宇而記中濟寶字之上下文皆漫滅不可識不能知其爲寺爲塔爲幢矣今文昌閣正當其地或卽曩時之寺址耶

元禹廟香火公據碑

存

文曰皇帝聖旨裹元教宗師志道宏教沖元真人總攝江淮荆襄等路道教都提點同知集賢院道教事據安豐路濠州道正司申備元妙觀任持潘宗堃狀告本觀自亡宋時分甲乙任持自上而下輪筭任持自歸附以來累年口造未曾申明換給公據及照得塗山禹帝香火宋時隸屬本觀管領拘確香資脩造養膳乞備申上司給據付本觀甲乙任持管紹塗山香火保結申照詳事得此准申合行出給公據付本觀甲乙承襲任持依舊管紹塗山禹帝廟香火提督修造仍仰依期焚修祈延皇帝聖壽務在精勤毋致怠慢須議給據者右據仰濠州元妙觀准



此

重修廟記塗山古各山也禹昔會諸侯於此地執玉帛者萬國在當時爲一大都會明矣至今禹會有村此其驗也禹自平水土之後功蓋萬世天下後世生民俱得平土而居之誰之賜歟想塗山巖巖氣象禹以神功靈德廟食此山其來久矣唐大臣狄梁公天下正人也毀諸淫祀至二千七百餘所而禹廟巍然獨存今塗山祠是也本詞舊隸濠州天慶觀管紹香火綿綿延延接續崇奉洪惟聖元混一區宇首崇道教將天慶觀各易寵徽號以元妙二字壯美觀額惠至渥也矧扶植教門綱維道統又實仗大宗師真人力焉迺在大德丁酉三月給降公據俾本觀仍舊管紹塗山禹廟香火付崇正大師蔣十中爲首看守遵

命奉行謹模似本白之於郡郡守奉訓謝椿樂成其美漆力修造又有功於廟績多矣揭銘摘光千古不沒甚盛事也於是命工刻石以紀歲月云爾大德壬寅仲春吉日管軍上千戶倪文仲同知郭宏同知姚仁壽本縣達魯花赤亦憐真縣尹楊柏齡主簿朶列禿典史張埜助緣儒學正吳文魁撰文提領林應楸篆蓋書丹凝和守一大師濠州道判任持元妙觀提督廟事潘宗埜立石

右碑在塗山禹廟碑長四尺分作兩截刻之上半截爲公據下半截爲重修廟記皆正書公據凡十行行字多寡不等脩廟記凡二十六行每行十七字

右石刻



魏文帝浮淮賦有序 建安十四年王師自譙東征大興水軍汎舟萬艘時予從行始入淮口行泊東山覩師徒觀旌帆赫哉盛矣雖孝武盛唐之狩舳艫千里殆不過也乃作斯賦復命王粲同作沂淮水而南邁兮汎洪濤之湟波仰巖岡之崇阻兮經東山之曲阿浮飛舟之萬艘兮建干將之鈇戈揚雲旗之繽紛兮聆榜人之謹譁乃撞金鐘爰伐雷鼓白旄冲天黃鉞扈扈武將奮發驍騎赫怒於是驚風汎涌波駭眾帆張羣櫂起爭先逐進莫適相待

王粲浮淮賦 從王師以南征兮浮淮水而遐逝背渦浦之曲流兮望馬邱之高濫泛洪槽于中潮兮飛輕舟乎濱濟建眾檣以成林兮譬無山之樹藝於是迅風興濤鉦鼓若雷旌旄翳日飛雲天迴若蒼鷹飄逸遞相競軼飛驚波以高鶩馳駭浪而赴質嘉舟徒

之巧極美榜人之閑疾白日未移前驅已屆羣帥按部左右就隊軸轡千里各卒億計運茲威以赫怒清海隅之葍芥濟元勳於一舉垂休績乎來裔

魏文帝臨渦賦并序 建安八年至譙余兄弟從上拜墳墓遂乘馬遊觀經東國遵渦水相羊乎樹下駐馬書鞭作臨渦之賦曰  
蔭高樹兮臨曲渦微風起兮水增波魚頡頏兮鳥透迤雌雄鳴兮聲相和萍藻生兮散莖柯春水繁兮發丹華

晉傅咸卞和畫像賦并序 先卞畫和之像者雖其事在素定見其涕血殘則之形情以悽然至臧文仲知柳下惠之賢而不與立卞和自刎以相證相去遠矣戲畫其像於卞子之旁特赤其面以示猶有慙色辭曰 惟年命之道短流光之有經疾沒世而不



稱貴立名而揚各既銘勒於鐘鼎又圖像於丹青覽光烈之攸畫  
覩卞子之容形泣泉流以雨下灑血面而截纓痛兩趾之雙刖心  
惻悽以傷情雖髮膚之不毀覺害仁以傷生向厥趾之不別孰夜  
光之見明人之不同爰自在昔臧知柳而不進和殘軀以璧證  
宋秦觀梁堰賦并序 梁武帝天監十三年用魏降人王足計欲  
以淮水灌壽陽乃假太子右衛康絢節督率二十萬人作浮山堰  
於鍾離而淮流湍駛漂疾將合復潰或曰淮有蛟龍喜乘風雨壞  
岸其性惡鐵絢以爲然乃引東西冶鐵器數十萬斤益以薪石沈  
之猶踰年乃合堰袤九里水逆淮而上所蒙被甚廣魏人患之果  
徙壽陽戍頓入公山餘民分就岡隴未幾淮暴漲堰壞奔於海有  
聲如雷水之怪妖蔽流而下死者數十萬人初鎮星犯天江而堰

實退舍而壞嗚呼異哉 繫四瀆之並醜兮實脈絡於坤靈惟長  
淮之澗漫兮自桐柏而發源貫江河以下驚兮拉泗沂而左奔走  
猛雷以赴海兮駕扶搖而薄山固元氣之宣節兮息眾兆之災患  
粵蕭梁之服命兮抗北魏以爭衡信降寇之詭計兮阻湯湯而倒  
征依依兩巖之柔土兮高合脊于中央捷竹留石之不足兮又沉鐵  
以厭不祥袤九里以中峙兮截萬派之奔茫大堤屹乎如墉兮杞  
柳蠹其成行展源深而支永兮雖蹙否而必通倏鯨吼以奔潰兮  
與蒼蒼而俱東若燃犀之照渚兮旅百怪而爭道六馬怒而虛蹶  
兮虎蛟咆而相糾哀死者之數萬兮孤魂逝其焉遊背自然之開  
鑿兮固神禹之所惡世苟近以遠遠兮或不改其此度螻蛄怒臂  
以當車兮飛衛衙石而填海憐梁人之不思兮卒取非於異代豈



方迫於尋引兮不遑議夫無窮將幸臣取容以幸九兮公相援而欺蒙抑五材囚壯之有數兮特假手於憧憧系曰敦阜寇冥大川屯精氣扶輿變乾文運徒力頓漂無根湖波復故彌億年

明宋濂游塗荆二山記 濂既遊瑯琊山起行至池河驛適郵卒遞內使監公牒至及開緘中藏濠梁古蹟一卷宸翰親題其外令濂搜訪與青宮言之濂因啟曰臨濠古蹟惟塗荆二山最著按圖經塗山在昔鍾離縣西八十五里荆山亦在縣西八十三里二山本相聯屬而淮水繞荆山之背神禹鑿開使水流二山間其疏鑿之跡故在人思其功迄今弗能忘青宮曰至中都當共往遊焉余將渡淮狩於王莊先生宜沂流而上屆今懷遠縣治以俟濂奉勅行洪武乙卯冬十一月己巳發舟庚午日曛始泊縣西門而青宮

已駐驛於東門五里矣辛未濂上謁青宮喜甚下令以壬申遊二山濂至期約懷遠文學椽王景彰宿舟中黎明櫂舟至塗山足曳杖入山山旁廢址舊皆民廬前渡石梁復斗折而北累石爲塘多藝椒之園行可三里餘視大磐石青綠間錯頽然歌足坐諦視之乾蘚交封之耳聞有草生石上高一尺其花可愛不假土力人取懸檐間呼爲石蓮花復行四里所巖石犖确插起道左危傾欲飛墜復二里所從微徑入灌莽抵巖罅貯泉一泓味甚甘覆以生茨曰聖水亭取水以祭雨多驗復一里餘至山巔禹廟在焉廟已毀惟頽垣破礎存遊目四顧長淮西來淌河北匯而壽春臨濠宿州之境皆在冥茫昏杳中緬想南北戰爭屯戍處爲感慨者人之山之下聚落甚盛廟史云各禹會邨乃禹會諸侯之地廬舍之比如



櫛移踵入廟廟前杏樹一章大可蔽十牛二柏參差左右樹東寘小甕杏柯之水時津津滴其中廟史云當辰霧四集水愈多其來如泉可代井汲石碣二一大書有夏皇祖之廟六字下方刻宋慶元初州守劉仲光自造禱雨記一亦記禱雨事皇甫斌紹興庚戌來爲郡命鐘離尉丁大榮作石未剝泐文尙可讀復從廟西循石坡而下銀石危立如人形遙望之一嫗儼然也相傳爲啟母石廟史云居人每割羊豕祭之至有以粉黛飾其貌者聞之不覺大笑山半舊有僧房今廢久俟鶴駕不來忽使者至云扈從士馬多無橋可以渡河青宮不復至矣言未既但見旌旗如錦繡曳上荆山矣濂亦下山麓入鯀廟見所題神號鄙俚棄而不晚出讀祖無擇所賦歌京口孫臨爲書碑蓋無擇謫守壽春過此而作也復北經

縣治折而東行三里所至荆山梁魏交鬪時就山築堰以灌壽春其遺跡猶班班可見復行三十步巖厂如屋側身而入石屏如牀座可坐人號爲卞和洞自西上復一里所過避雨石石斜倚可避雨故各復六十步至產玉坡奇石駢列西有玉池榛荆迷路不可尋時青宮已獵遠郊濂因登舟先還中都云惟二山見諸載記者多殊以塗山言之春秋傳左氏傳云禹會諸侯於塗山杜預註云在壽春縣東北說者云今濠州是也國語史記則又云禹會諸侯于會稽故會稽亦有塗山吳越春秋亦以塗山在會稽應劭云塗山在永興北說者云今會稽蕭山是也是二說已不能歸於一致矣至於蘇鸚演義有云塗山有四一會稽二渝州三濠州四當塗然其處皆有禹跡或者遂謂禹之治水固嘗徧歷宇內而會諸侯



實在會稽之塗山柳子厚塗山銘蘇子瞻子由塗山詩指在濠州者皆非是濂之存疑而未決者一也以荆山言之荆山楚山也楚之先王熊繹僻在荆山七傳至昭王始遷都郢郢卽今之江陵其地有荆山一名景山荆故楚號也有之誠宜世則指爲濠州濠州古鍾離子國與壽春密邇楚自昭王之後歷十一傳始徙都壽春韓非子所載卞和獻玉事乃在歷武文三王之際昭王上接武王已越十世當三王時鍾離何嘗屬楚而強謂卞和至此山耶新序又謂抱玉而泣在共王之時襍記又謂在懷王及其子平王之時平王乃昭王之父下距懷王九世共王上至武王亦六世何顛倒如是耶濂之存疑而未決者二也大抵山川遺跡非本諸經史者多不可信必欲可信塗山當稽之左氏以壽春爲正荆山當正諸

史傳以江陵爲正有謂塗山氏乃古國名禹曾娶其女者別是一說與此殊不相涉也濂耄矣諸書遺忘欲盡所記憶者未必無舛訛輒緣紀遊因掛漏書之

宋歐陽修渦水龍潭 碧潭風定影涵虛神物中藏岸不枯一夜四郊春雨足却來閑卧養明珠

舊縣志

梅堯臣舟行遇暗石 淮流兩山間勢東秋漲急聚石如伏兵  
嶙波下立輕舟不可防而况昧所習暗值柁已毀後者戒前及同發去漸遙更愁寒灘澁

又次渦口 秋水見灘底淺沙交浪痕白魚跳處急宿鳥下時昏  
帶月移渦尾落帆防石根清淮自行盡明日又前村

舊縣志

蘇軾十月二日將至渦口五里所遇風留宿 長淮久無風放意



弄清快今朝雪浪滿始覺平野隘兩山控吾前吞吐久不暇孤舟  
繁桑本終夜舞澎湃舟人更傳呼弱纜恃管蒯平生傲憂患久矣  
恬百怪鬼神欺吾窮戲我聊一噫餅中尙有酒信命誰能戒 又  
淮上早發 澹月傾雲曉角哀小風吹水碧鱗開此生定向江湖  
老默數淮中十往來

明李先芳重陽後同何明府登荆山 一自卞和曾泣玉行人千  
古說荆山我來直上鳳池頂下見淮水流潏潏淮水東流無重回  
逢君花夕共啣杯昆山玉石盡成灰胡僧剖腹藏珠胎按劍故人  
不相放明珠萬斛沉蒿萊美玉於斯貴在我浮名一笑輕塵埃當  
年何氏不解事徒令四體無全骸斟酌此玉安在哉不如飲酒臨  
高臺斜日橫江翻積翠涼風灑路清莓苔何妨作賦登高會却是

懷遠縣志

卷十

志藝文

十七

重陽節後來

舊縣志

張鶴鳴許少府熙臺邀飲卞和洞二首 晝雲引我踏層霄因念  
前遊歲月遙金魄初生濯玉澗銀河直瀉碧溪橋石磴揮塵涼風  
發洞口移樽畫燭搖抱璞千年人去遠鳳皇池畔草 蕭蕭帝啓  
祠邊落日低清秋棟宇白雲齊千家砧杵山爲郭十里桑麻水作  
隄絕磴乍迴逢碧澗垂蘿忽盡見丹梯欲從翠靄看王氣淮北蒼

茫草樹迷

舊縣志

戴斌遊卞和洞 荆山突兀巨淮西躡盡層巒托杖藜石險乍疑  
山骨瘦雲沉翻覺嶺頭低連城白壁無雙產古洞青螺有舊題莫  
道卞和懷璧後池荒不復鳳皇棲 舊縣志  
周盤舟泊懷遠有作 遠浦輕帆入暮停人家茅屋傍沙汀谿聲



聲映帶千林碧山色平分兩岸青何處鄉關虛夢蝶經年淮海獨  
飄萍簡書未卽寬民瘼空頌皇華媿使星

舊縣志

國朝程在嶸懷遠 繞郭溪分燕尾流垂楊細細拂行舟山腰樓  
閣人初起獨捲湘簾看雨收 又淮水棹歌二首 黃雀灣前月  
似霜真珠灘外水茫茫儂家家在淮西任今日開船自壽陽 舟  
出淠河茶蔬香舟迴渦水牡丹芳笑他姊妹全輸我鹽販山陽麥  
汝陽 又初夏舟過龍亢二首 水窄岸無沙人居傍柳斜隴黃  
將刈麥畦緣待耘瓜牧豎眠芳草村姑折野花春歸漫相惜鶯語  
尙週遮 細流丁字接密樹午風搖幽徑入何處小舟橫作橋趁  
墟人語亂近市犬聲驕薄酒沽來便篷窗未寂寥

施潤查災有述 塗山連荆山中貫長淮水縣以淮遠各地在山

懷遠縣志

卷十

志心藝文

十八

水底十年九無秋秋災自春起今歲麥被淹稻又旱枯死請賑出  
上官羣曹備驅使予亦捧符來行當共料理一縣八十鄉一鄉三  
十里一里數百村墟落亂無紀一村家百餘一家口十幾駐馬萬  
戶啼堆案千尺紙九月始行查十月查未已村村數花名戶戶稽  
食指去取復區分富怒貧者喜日出行已遙日入行難止不計秋  
復冬日走荒村裡坐呼父老言忍饑賑已邇爾窮不須愁我窮倍  
於爾莫話家無糧試視我行李風雪凌敝袍冷戰響牙齒不知官  
膳香不知官醞美我自行我貧素位在君子 又發賑再述用前  
韻 抱心惟書詩聆音在山水生五十年餘安貧清徹底第晚請  
冷官官閒隨卧起再假五十年終當以樂死措頤看西山府事少  
指使乃值民告災大官勤經理剝啄府帖臨巾車下邑里其始觀



情形豐荒核實紀繼乃稽戶名啼號萬千幾發賑今又來衣寒薄  
於紙大雪西北風人言可以已臺命不敢辭點勘費五指滿屋青  
銅錢四散萬民言喜鴻雁哀嗷嗷到此音忽止內念老幼寒絮未  
裘衣裡滔滔淮之波得歸路正邇披腹對同袍情話忘我爾納履  
忌田瓜正冠防林李清芬誦先人疏食足沒齒誰爲素心交寤寐  
詠予美務畢過賦歸門有二三子 又甲午夏復至懷遠作 懷  
遠昨年曾久住秋柳中來朔雪去星移朱夏赤日蒸奉檄重呼上  
洪渡上洪下洪淮漲新夾岸荆塗色如故土黃石白林無青盛夏  
猶然冬景素艤舟已喜無嚴風入縣盤盤認前路南市東市童婦  
多指識冷官此頻過昨來爲賑禾無登今來爲慮飛蝗度滿田禾  
茂蝗不飛樂踐山城記游寓故人仙李開琴堂邑令四川李  
鹽梅美仙到見  
捲虛館清石鼎無人夜聯句

枯株成綠樹掃庭坐受南風涼架蔭蒲萄葉無數慣嘗白醴秋露  
香炙手仍教設寒具夕陽半醉退欲眠還憇林宗曾宿處湘簾晝  
按潤上海人爲鳳陽府學教授乾隆癸巳甲午奉委查災來縣

莊曾儀懷遠冬雷詩 巳酉月在丑白晝聞雷霆雷霆亦胡爲云  
至城東町城東有賢婦夫死志堅貞堂上阿母單老病常不甯阿  
母垂淚言免昔在弱齡娶妻得新婦動作甚賢能織布日五丈井  
臼還力撐早起梳我頭日午飯免耕作婦已三年不聞隣里憎鬼  
今旣已死新婦無依憑前村某家兒遣媒便相迎新婦大悲號夫  
死節不更爲有阿母在故復延餘生日織布五丈甘旨豈難承新  
婦無罪過何遂遣使行阿母拭淚言感汝意相矜我老木已秋婦



少花初榮翁亡我有兒兒亡婦無丁豈不願相守兒死家彫零吾  
意从決絕吾命旦夕傾哀哀故人淚漉漉新人駟篋中青銅鏡同  
時照影形昔日何美滿今日何伶仃開箱出衣裳一一置前櫺永  
訣在須臾留爲去後情去去兩月餘阿母疾加增新婦得聞之悲  
咽不成聲夫出便走還望母涕縱橫食母黃梁飯飲母青菜羹朝  
暮爲母來阿母勿愁縈隣嫗告後夫爾婦美虛稱出門不告語往  
復無昏明新婦越兩日白米炊置籩且往視阿母後夫當前徑謂  
爾更安之皇然婦心驚失手墮平地轉仄糞穢騰以實告後夫吾  
罪獲非輕狼藉棄五穀神怒焉可撓夫乃勸慰之憐爾意真誠爲  
爾迎母來爾志吾爲成而婦竟癡狂謂必罹天刑帝怒降風雨霹  
靂摧天庭隣嫗死路旁穢食出潔清婦病始若失悲喜忽合并失

身遂愚孝窮求千載名

又卞和洞 和氏亭空長緜苔旅人憑弔有餘哀輝山自擬成圭  
璧懷寶甯終沒草萊恠石尙留青氣在層巖常傍白雲開不須浪  
作連城價被褐高談恐見猜 又荆山道中 石徑逶迤一道斜  
荒原茆屋兩三家東風不管吹春去點點征衫落杏花

沙琛夜歸自塗山下二首 長宵耐遠路蹉然空谷音殘月上峰

背幽輝開澗陰隱隱長淮流素波含烟深村巷閉寂聞蕭蕭殘葉  
林霜露皓巖石夜氣空人心何處擊寒鐘雲水杳沉沉 喚渡月  
在林登舟月在水兩槳擊玲瓏撲簌鷗聲起霜濃水氣清灘石空  
林徙玉珞光鱗鱗微風爛錦綺柁轉山影橫蒼然兩峯峙萬籟寂  
不動天宇淨如珙明發市城喧爭渡聲聒耳 又懷遠縣作用潘



騎省河陽縣二首韻 少年慕貴仕，八應公車招。曾踏春卿門，無由廁中朝。揀拔荷曠典，縮綬托下僚。澗松自鬱鬱，那希山上苗。行役遍江皖，山水窮南條。雅志背臺尚，宿約負松喬。盡瘁攝汝陽，三載如一朝。桑雉不及馴，佩犢幸已消。薄雲戀爲雨，東西隨風飄。需次忽七載，掌茲淮壩徭。輕舟下清潁，南風吹袂綃。塗山拔地起，惟荆側嶢嶢。明德仰神禹，遵此淮渦遼。玉帛來萬國，羣后肅以劬。小邑舊勝地，民祀相與要。敢言下位卑，冥冥逐塵颺。薄俗善阻祝，民風形歌謠。側聞此邦俗，苗弱莠驕驕。操刀慎宰割，何敢視民恠。洪流起朱夏，繞郭連雙河。兩山對蟠鬱，雲雨交重阿。高艦浮荆揚，輻輳成紛華。石衢交廣巷，綠樹蔭繁柯。廨宇簇岡巒，爽氣來嵯峩。登臺望平野，農事興南訛。耕淤足早麥，築塲剪春蘿。屢荒樂今熟，

滿車出污邪，豈伊土田瘠。舊俗懶棄麻，澆風生積負。何由返雍和，薄才拙撫字。敢希襦袴歌，跼踏簿書叢。何以當負荷，又淮壩田跨淮作縣治。荆塗環澗澗，亦東滙時復警。淮澤民田半黍稻，泥壤各不同。南涯禱暑雨，北溪愁夏凍。風雨四時和，高下難兼豐。積歉成情農，饑腸生澆風。攘攘淮壩間，天亦難爲工。

右辭翰

廩生王文勳校字





補遺

明褒孝集八卷

存文二卷詩六卷爲孝子許本忠作潘府序府字孔修上虞人

見明史儒林傳

許華修慈幼集四卷

佚

國朝黃景耀文集四卷

存

魏益隆詩集二卷

存

邵昇四書同文集四卷

懷遠縣志

卷十

志藝文

一一一

存

張家相待問編十二卷

孝經翼

巨圍詩草

存

李剋自怡集二卷

存

右載籍

國朝盧清佩留別懷遠陳鏡非

荆塗並峙水長流六載蒲團此

地修明月滿天孤鶴去白雲繞檻素琴收途經松嶺千尋碧洞抵

金沙一片秋莫笑波聲人不識渦淮兩岸苦相留

呂榮留別懷遠父老

今之懷遠邑古之塗山國山川鬱靈秀人

物挺英特士風樸而醇民俗剛以直比年狎寬政載路風荆棘大



吏播德威勸善先除慝太守下車初新政民感惕余適當其時承  
流此供職懲一冀百警而不事深刻良民幸安堵莠民知斂跡秋  
來被偏災穀少苦貴糴邑中好義人爲我籌民食富者無慳吝貧  
者無饑色以茲一載餘聊塞素餐責自反無寸功民乃不我數受  
代將南行祖餞道絡繹臨歧盡牽衣涕泣情惻惻感茲依戀枕鳴  
咽未忍默我民聽我言我言出肝膈忍忿無鬪爭鬪爭自詒戚忍  
飢母攘竊攘竊終罹辟今汝新父母於我才什伯勉爲向化民庶  
幾安衽席渦流入淮清淮水兼天碧我民聽我言以此當相憶  
又重過懷遠示諸父老兼簡楊大令炳 五載遙相憶重游興倍  
賒山川疑入夢衡宇若還家野綠新萌麥林紅舊種花別來無善  
狀只有鬢添華 舊是盤根地鉛刀試一年鋤奸資大吏余以庚申春攝

懷遠事時竊匪聚黨爲患珠伊庭觀察緝獲首犯孫玉林乃漸安蘇困賴羣賢辛酉春懷遠民若饑州紳商捐費煮賑全活數萬人自顧曾何有相推益惘然不圖漂泊後猶得故人憐 翹

首瞻新政夢堂翠靄香秋空常貯月春暖却涵霜吾願亦如此君  
才不可方莫嫌民氣惡呼吸有天良 好鬪非關性營奸祇爲貧  
忍茶真壯士怯網便良民且喜頑能革聞曩時所懲奸匪多有改行從善者還期俗  
盡淳此行應不遠會看渡淮春

沙琛遊中南海同許叔翹作 寒柳無一葉枯湖無一波峩峩古  
臺下昔遊風景多蘆港湖曲折芳洲縈陂陀珍禽百種色飛鳴雲  
錦窩爛爛芙蓉裳風漪十尺荷離披花滿船花氣蒸顏酡玉藕出  
冰雪碧筒擎婀娜那酒酣發歌詠古壁揮劈窠彈指忽七載入林重  
逡巡豈我異榮瘁山水亦改觀老衲大歡噱證茲來去因本來無



垢淨起滅原一塵詰朝春水來俄頃還瀾淪胡弗少流連一賞柳  
花春許邁大撫掌惜我行旣旣資糧衆可給離情難遽分感懷爲  
進觴爐火紅磨温

師範過懷遠沙雪湖大令招集青雲樓 確談欲盡轉清談把酒  
何勞動再三老馬秋風來冀北高窗斜日見淮南山連遠樹堆螺  
黛水浸長天積蔚藍輸與諸公頻著屐聽鸚春月醉雙柑

許所學荆山夏后啟廟 辛壬癸甲嗟予子鬱鬱荆塗祭祀同玉

檢何年埋赤帝

漢高祖征英布時  
建故廟於荆山

金華曾此侍青宮

見宋金華文集荒庭

欹側猿啼月古澗崆嶲石嘯風終是傳家明德遠豐碑猶泐扈城

功右辭翰

廩生王文勳校字